

ЧИН БЛАГОСЛОВЕНИЯ ВРАЧЕБНИЦЫ

Сущей же трапезе укрусом покрытой, Евангелию и кресту на ней возлежащим, и свещам горящим, и воде священной и елею сущим, став нерей к востоку лицом и рек:

Священник: Благословен Бог наш всегда, ныне и присно, и во веки веков.

Чтец: Аминь. Царю Небесный. Трисвятое. Пресвятая Троице: **Отче наш:** **Священник:** Яко Твое есть Царство: **Чтец:** Аминь. Господи, помилуй, 12.

Приидите, поклонимся: трижды.

Псалом 142

Господи, услыши молитву мою, внуши моление мое во истине Твоей, услыши мя в правде Твоей и не вниди в суд с рабом Твоим, яко не оправдится пред Тобою всяк живый. Яко погна враг душу мою, смирил есть в землю живот мой, посадил мя есть в темных, яко мертвыя века. И уни во мне дух мой, во мне смятеся сердце мое. Помянух дни древния, поучихся во всех делах Твоих, в творенных руку Твоею поучахся. Воздох к Тебе лице мое, душа моя, яко земля безводная Тебе. Скоро услыши мя, Господи, исчезе дух мой, не отврати лица Твоего от мене, и уподелюся низходящим в ров. Слышану сотвори мне завтра милость Твою, яко на Тя уповах. Скажи мне, Господи, путь вонже пойду, яко к Тебе взях душу мою. Изми мя от враг моих, Господи, к Тебе прибегох. Научи мя творити волю Твою, яко Ты еси Бог мой. Дух Твой Благий наставит мя на землю праву. Имене Твоего ради, Господи, живиши мя, правдою Твоею изведеши от печали душу мою. И милостию Твоею потребиши враги моя и погубиши вся стужающыя души моей, яко аз раб Твой есмь.

Слава, и ныне: Аллилуиа, трижды.

На «Бог Господь» Тропарь, глас 4-й: Скорый в заступлении Един Сый, Христе/скорое свыше покажи посещение нам рабом Твоим/избави недугов и горьких болезней,/воздвигни во еже пети Тя и славити непрестанно,/молитвами Богородицы, Едине Человеколюбче.

Слава, Глас 4-й: Источник исцелений, имуще святин безсребреницы, / исцеления подаваете всем требующим, / яко превелих дарований сподобльшиися / от приснотекущаго Источника, Спаса нашего. / Глаголет бо к вам Господь, / яко единоревнителем апостольским: / се дах вам власть на духи нечистыя, / якоже тех изгонити, / и целити всяк недуг, и всяку язю; / темже в повелених Бго добре жительствовавшие, / туне прияете, туне подаваете, / исцеляюще страсти душ и телес наших.

И нынѣ, глас той же: Призри на моления Твоих раб, Всенепорочная,/ утоляющи лютя на ны востания,/ всякия скорби нас изменяющи./ Тя бо Едину, твердое и известное Утверждение имамы,/ и Твое предстательство стяжахом,/ да не постыдимся, Владычице, Тя призывающи,/ потщися на умоление Тебе верно вопиющих: / радуйся, Владычице, / всех Помоще, Радосте и Покрове,/ и Спасение душ наших.

Диакон: Вонмем. **Диакон:** Премудрость, вонмем. Прокимен, глас 1. Буди, Господи, милость Твоя на нас, / якоже уповахом на Тя.

Стих: Радуйтесь, праведнии, о Господе, правым подобает похвала.

Диакон: Премудрость.

Чтец: Премудрости Исуса, Сына Сирахова чтение. (Сир.38:1-2, 4,6-14)

Диакон: Вонмем.

Почитай врача противу потребъ честию его, ибо Господь созда его: от вышняго бо есть изцѣление, и от царя приметъ даръ. Господь созда от земли врачевания, и мужъ мудрый не возгнѣшается ими. И той даль есть художеество человекомъ, да славится въ чудесѣхъ своихъ: тѣми врачева и отятъ болѣзни ихъ. Широварецъ сими состроитъ смѣшеніе, и не скончуются дѣла его, и миръ от него есть на лицы земли. Чѣдо, въ болѣзни твоей не презирай, но молися Господевн, и той тя изцѣлитъ: отступи от прегрѣшенія и направи рѣцѣ, и от всякаго грѣха очисти сердце [твое]: даждь благоуханіе и пѣмѣнѣ семидѣла и умѣсти приношеніе, акибы не перѣвѣ приносѣи: и даждь мѣсто врачу, Господь бо его созда: и да не удалитъ от тебе, потребенъ бо ти есть. Бѣсть время, егда въ руку его благоуханіе: ибо и тѣи Господевн молятся, да управитъ имъ покой и изцѣленіе ради оздравленія.

Диакон: Премудрость.

Чтец: К Галатом послання святаго апостола Павла чтение. (Зач.213)

Диакон: Вонмем.

Братіе, плод дѣховный есть любви, радость, мир, долготерпение, благость, милосердіе, вера, кротость, воздержаніе; на таковыхъ несть закона. Я иже Христовы сѣть, плоть распяша со страстьми и похотьми. Яще живем дѣхом, дѣхом и да ходим. Не бываим тщеславни, друг друга раздражающе, друг другу завидяще. Братіе, аще и впадетъ человекъ въ некое прегрѣшеніе, вы дѣховни исправляйте таковаго дѣхом кротости; блюдыи себе, да не и ты искушенъ будеши. Друг друга тяготы носите, и тако исполните законъ Христовъ.

Днакон: Премудрость, прости, услышим святаго Евангелия.

Священник: Мир всем.

Днк: И духови твоemu.

Священник: От Луки святаго Евангелия чтение. (Зач. 53)

Днк: Слава Тебе, Господи, слава Тебе.

Днакон: Вонмем.

Во время оно, законник некий приступи ко Исусу, искущая Его и глаголя: Учителю, что сотворив живот вечный наследую? Он же рече к нему: в законе что писано есть, како чтеши? Он же отвещав рече: возлюбихи Господа Бога Твоего от всего сердца твоего, и от всея души твоея, и всею крепостию твоею, и всем помышлением твоим, и ближняго своего яко сам себе. Рече же ему: право отвеща, сие сотвори и жив будеши. Он же хотя оправдитися сам, рече ко Исусу: и кто есть ближний мой? Отвещав же Исус рече: человек некий сходяше от Иерусалима во Иерихон, и в разбойники впаде, иже совлекше его, и язвы возложше отыдоша, оставльше ел жива суща. По случаю же священник некий сходяше путем тем: и видев его, мимо иде. Такожде же и левит, быв на том месте, пришед и видев мимо иде. Самарянин же некто грядый, прииде над него, и видев его милосердова. И приступль обвяза струпы его, возливая масло и вино; всадив же его на свой скот, приведе его в гостинницу и прилежа ему. И наутрия изшед, изъем два сребренника, даде гостиннику и рече ему: прилежи ему, и еже аще принудивеши, аз, егда возвращуся, воздам ти. Кто убо от тех трех ближний мнит ти ся быти впадшему в разбойники? Он же рече: сотворивый милость с ним. Рече же ему Исус: иди и ты твори такожде.

Днк: Слава Тебе, Господи, слава Тебе.

По сем же глаголет ектении сии:

Помилуй нас, Боже, по велицей милости Твоей, молим Ти ся, услыши и помилуй.

Днк: Господи, помилуй. **Трижды.**

Еще молимся о Великом Господине и отце нашем Святейшем Патриархе **имярек**, и о господине и отце нашем Блаженнейшем Митрополите **имярек**, и о всей во Христе братии нашей.

Днк: Господи, помилуй. **Трижды.**

Еще молимся о Богохранимой стране нашей, властех и воинстве ея, да тихое и безмолвное житие поживем во всяком благочестии и чистоте.

Дик: Господи, помилуй. **Трижды.**

Еще молимся о еже низпослати благословение Твое на лечебницу сию и на рабов Божиих **Имярек**, и на всех zde благочестно трудящихся и врачевания прияти имущих и послати им Ангела Твоего милостива, соблюдающа и сохраняюща их от всякаго зла, и наставляюща к деланию всех добродетелей, и ко исполнению святых Христовых заповедей. и о еже сохранить их от глада, губительства, труса, потопа, огня, меча и нашествия иноплеменик, и всякия смертоносныя раны, и даровати им здравие, и долголетием оградити их, и во всем утвердити, рцем вси: Господи, услыши и помилуй.

Дик: Господи, помилуй. **Трижды.**

Еще молимся за всю братию и за вся христиане.

Дик: Господи, помилуй. **Трижды.**

Возглас: Услыши ны, Боже Спасителю наш, упование всех концев земли, и сущих в мори далече, и милостив, милостив буди, Владыко, о гресех наших, и помилуй ны: милостив бо и человеколюбец Бог еси, и Тебе славу возсылаем, Отцу, и Сыну, и Святому Духу, ныне и присно, и во веки веков.

Священник: Господу помолимся. **Хор:** Господи, помилуй.

И читает во всеуслышание следующую молитву:

Отче Святыи, Врачу душ и телес, пославый Единороднаго Твоего Сына, Господа нашего Иисуса Христа, всякий недуг исцеляющаго и от смерти избавляющаго, Иже страстьми Своими страсти наша исцеливый и язвами Своими язвы наша учревавый, даруй нам смиренно молящим Ти ся Духа Твоего Пресвятаго, и Богоже благодатию благослови лечебницу сию, идеже раби Твои лекари и **Имярек** заповеди Христовы исполняюще, врачевания недужным подавати имут.

Бй, Боже наш, врачей сих десницы исправи, души их терпением украси, смиренном обогати, добрым здравием телесным и спасением награди!

Недужным же, Владыко, пакы покаяние подаждь и здравием всецелым возвесели сердца их. Да вси купно Благого Творца и Промыслителя нашего Троицу Единосущную и Нераздельную присно славят Тя Отца и Сына и Святаго Духа во веки веков.

Хор: Аминь.

Иерей: Мир всем. **Дик:** И духови твоему.

Диакон: Главы ваша Господеви приклоните. **Дик:** Тебе, Господи.

Владыко Господи Боже наш, на высоких живый и на смиренныя призираяй, место врачам даяти повелевый и благословивый усты премудрого от них врачевания приниматьи; Сам благослови и врачевницу сию, и zde трудитися благочестно хотящих и мярек страхом Твоим оградн, терпением благослови, и невредимых от сопротивных сохрани, и благословение Твое с высоты жилища Твоего низпосли им, и благослови и умножи вся благая под кровом сим.

Возглас: Твое бо есть, еже милovati и спасати ны, Боже наш, и Тебе славу возсылаем, Отцу, и Сыну, и Святому Духу, ныне и присно, и во веки веков.

Дик: Аминь.

Ивне же посем знаменав трижды елей, глаголя: Во имя Отца, и Сына, и Святаго Духа, аминь.

Господи Боже наш, призри ныне милостивно на моление наше и низпосли благодать Пресвятаго Твоего Духа на елей сей, и освяти его, яко да будет во благословение месту сему и на нем сооруженней врачевнице, и на прогнание всякия сопротивныя силы и сатанинских наветов. Ты бо еси благословляяй и освящяяй всяческая, Христе Боже наш, и Тебе славу возсылаем, Отцу, и Сыну, и Святому Духу, ныне и присно, и во веки веков. **Дик:** Аминь.

По молитве же вземлет священную воду, и кропит ею вся стены врачевницы окрест и вся клетки здания, глаголя: Во имя Отца, и Сына, и Святаго Духа, окроплением воды сея священныя, в бегство да претворитися всякое лукавое бесовское действие, аминь.

Окропив же все, взем елей, помазует им стены строения, идеже есть крест написан в середине его, начен от восточныя стены, посем и западную, и по сих северную, в конец же южную стену, над коюждо глаголет: Благословляется врачевница сия помазанием святаго еля сего, во имя Отца, и Сына, и Святаго Духа, аминь.

Чтец читает Псалом 146.

Иерей же или диакон кадит здание врачевницы.

Псалом 146.

Хвалите Господа, яко благ псалом. Богови нашему да усладится хваление. Взирает Иерусалима Господь, разсеяния Израилева соберет. Исцеляяй сокрушенныя сердцем и обязуяй сокрушения их. Исчитаяй множество звезда и всем им имена нарицааяй. Велий Господь наш, и велия крепость Его, и разума Его несть числа, Приемляй кроткия Господь, смиряяй же грешники до земли. Начните Господеви во исповедании, пойте Богови нашему в гуслах. Одевающему небо облаки, уготовляющему земли дождь, прозябавшему на горах траву и злак на службу человеком, дающему скотом пищу их, и птенцем врановым призывающим Его. Не в силе констей восхощет, ниже в листьях мужеских благоволит. Благоволит Господь в боящихся Его и во уповающих на милость Его.

Диакон: Премудрость.

Священник: Пресвятая Богородице, спаси нас.

Лик: Честнейшую...

Священник: Слава Тебе, Христе Боже, упование наше, слава Тебе.

Поем лик: Слава, и ныне: Господи, помилуй, трижды. Благослови.

Священник: Христос, истинный Бог наш, молитвами Пречистыя Своея Матере; силою честнаго и животворящаго Креста; святых славных и всехвальных апостолов, святаго великомученика и целителя Пантеленмона, преподобных и богоносных отец наших Ягапита и Ипатия врачей Печерских, святых безсребренников и целителей Космы и Дамиана, Кира и Иоанна, Пантеленмона и Ермолая, Сампсона и Дномида, Фотиа и Яникиты; святых и праведных богоотец Ноакима и Янны, и всех святых, помилует и спасет нас, яко благ и человеколюбец.

Лик: Аминь.

Иерей творит многолетие.